

hastu mehr gelost dan dichs gekost hat so hastu gewun-  
 nen/wo nicht/ So hastu verloren wie hyerynnen.  
 Item ein sack mit Pfeffer wigt zu Nürmbergk 4. cent.  
 48. pfundt tara 12. pfu. vñ ein halbes kost ein pfunt 9. s.  
 gesteht mit furlohn bis gen Leyptzig 4. flo. vñ 10. pfunt  
 von Nürmbergk thun 11. pfundt zu Leyptzig/Also gibt  
 man ein pfu. fur 9. groschen 6. pfen. vnd 20. s. machen 21.  
 groschen den grosch. fur 12. pfen. gerechent /facit das m̄  
 am sack gewint 16. flo. funffzehē groschen vñ sechs pfen.  
 machs also / nym ab das tara. rechen wie viel man zu  
 Nürmbergk darfur gibt vnd addir dartzu das furlohn/  
 darnach mach Leyptzisch gewicht rechē wievil m̄ alda  
 darauß löst/als dann resoluirts golt ynn m̄ntz nym ey-  
 nes vom andern so komet der gewynn.

Item einer kaufft wachs zu Bresslaw ye eyn steyn fur  
 2. floren anderhalben ort Vngerisch gesteht eyn centner  
 Bresslisch gewicht der do hat also sechsthalfē stein od̄  
 132. pfundt bis gen Nürmbergk anderhalben Vngerisch  
 en floren vnd 128. pfundt von Bresslaw machenn 100.  
 pfundt zu Nürmbergk / Thun frage ich wie viel eynn  
 Nürmbergischer centner von Bresslaw bis gen Nürn-  
 bergk gestehē würd/so man 100. Vngerisch fur 132. vnd  
 ein halben reinisch gibt vnd 7. flo. am 100. gewinnē wil/

Facit 20. floren Reynisch 0. schilling 4. heller <sup>243</sup> — teyl/  
 machs also / sprich 1. steyn fur  $2\frac{3}{8}$  Vngerisch wie komen <sup>275</sup>  
 $5\frac{1}{2}$  steyn facit  $13\frac{1}{16}$  Vngerisch dartzu  $1\frac{1}{2}$  Vngerisch  
 werden  $14\frac{9}{16}$  Vngerisch / so viel gesteht ein Bresslischer  
 Centner/rechen wie ein Nürmbergischer / sprich 132. pfu.  
 D iij fur